




Ассаламу аьлайкум, дустан

ХХЯХХА БАРГЪ

Лакрал райондалул кказит. Ита бакълай 95-сса шин.

12+

«ЗАРЯ»

Нюжмар

1 июнь

2018 ш.

№ 25

gazetazary@mail.ru

Сайт: zaria-online.ru

Школалул оьрму

Махъва-махъсса гюнгути

Гъашину райондалий школарду къуртал буллай бур 57 дуклаки оьрчл. Махъва-махъсса гюнгути бищаврил кьини школарттай дуккавил байранну кичи лагай. Гъарца шинал кунма, гъашинугу рай администрациялул вакилтал лавгунни вай шадлугьирттай гьуртту хъун, ми ци даражалий дурив ххал дан ва м. ц. Гюнгути бищавуртту гъашину жула райондалул школарттай хъунни майрал 23ний.

Ва базилух махъва-махъсса гюнгутул члунийн, Гюнчлукьатлрал школалин лавгунни райондалул баклчи **Юсуп МахIаммадов**. Мунашчал бия Iма заместитель **А.Къюн-**

дайдирхъуна Iлмур ва 9мур класрал выпускниктал «школьный вальсрай» къавтун бизаврия. Яла бавцуна ца шуттай. Ми барча буллалисса махъ лавхъуна школарул дирек-

лул гихунмаймур ххуллийх бачинсса тIайлабацлу баннав учай кьини дур. Мунигу ми школарул хIадур буллай бур. Жу Гюнчлукьатлрал школалин бувкIру школарул коллективрал, дуклаки оьрчIал дуккавилу, жамятийсса иширттаву каккиартту хъун дуллай чIалай. Арулагу выпускникная дуккавилугу, тарбиялулгу багъайсса даражалин бивсса инсантал шаву школалия, нит-



нуев, РФлул МВДлул «Лакский» отделданул начальник **Юсуп Амиров**, УОрал начальник **Явсуна ХIамзаев**, «Ххяххабургил» хъунама редактор **М. Мусалаев**. Бавтун бия дуклаки оьрчIал нитти-буттахъул, тамашачитал.

Райадминистрациялул баклчинан Гюнчлукьатлул гъан гъира багъуна махъсса шиннардий ва школарул учительтурал, дуклаки оьрчIал Республикалул, муниципал конкурсирттай, олимпиадарттай хъхичлулсса клантурду бувгъусса, школалийгу, райондалийгу ххуйну хIадур дурсса давуртту каккан дурнутIий. Мунияту Юсуп МахIаммадовлун ччай бия школарул коллективрахъ барчаллагъ учин, цин лархъхъусса бахшиштуру дулун.

Гъашиву ва школа шаллуну къуртал буллай бур 7 оьрчI-душ.

Гюнгути бищаврил шадлугъ

тор **Малик Къушиевлул**. Кичи дунни 2017-2018ку дуккавил шинал цала бялдаралусса учительтурал, дуклаки оьрчIал цукунсса каккиартту хъун дурссарив личи-личисса конкурсирттай, олимпиадарттай. ЧIяруа цIанин лайкъ хъуми барча баншиврул ирглий мунахъхъун дириян дуллалисса хIурматрал грамотартту, сертификатру. Миннулгу буслай бия ци даражалий буссарив Гюнчлукьатлрал школа. Директорнал хъиннува тасттикъ бунни ЕГЭрду дулаврихъ бушиву выпускниктурал шихунмайсса оьрмулул ххуллу, багъайсса клулшивуртту миннан школарул дуллай бушиву. Школалул, учительтурал, нитти-буттахъал, шяраллил цIа лайкъну дуруччин аьркиншиву ва м.ц.

Хъирив махъ лавхъсса **Юсуп МахIаммадовлул** увкунни: -ХIакъину жула дуклаки оьрчIру дуниял-

ти-буттахъая хъарну бивкIхъурча, ванияр шихунмай хъунмур бяяла зухъвар, оьрмулул дуламанттавахъ бачинтIими зувару. ТIайлабацлу баннав зун! Гюнчлукьатлрал оьрчIан эбрат ласунми зучIава чIявусса бур. Ва школарул выпускниктурава бувккунни дунияллийх цIа дурксса, дурккусса агълу. Миннаву - Амир Аммаев, МахIаммад Дандамаев, Абакар Мудунов, 2 - захIматрал Виричу Гъази Ххинчалов ва Юрий Жанаев, ва чIявусса цаймигу, 6 профессор, 60 элмурдал кандидат.

ТIаьнну бия зул дуклаки оьрчIал хъис къабайкъинну лакку мазрай Марияннун хъьсса аьпалул ула тIитIайни муния чирчусса назмурду ккалаккини. Жу бюхъайсса кумаг, чIарав бацIаву дуллалиссару райондалул дуккавил иширттан. Гъашину жула выпускниктал гъан

(Ахир 3 лаж.)

«Лакрал район»
МРданул хIукмурду

Муниципалитетрал
хъуслил хIисав-ккал
даврил ва сияхI дачин
даврил низамрал

Положение цIакъ баврия

17 май 2018ш. №78

Лакрал райондалул муниципалитетрал хъуслил хIисав-ккал даврил ва сияхI дачин даврил низан ххуй даву мурадрай, мукума, муниципалитетрал хъуслил сияхIрайсса хIуччарду шаллусса ва тIайласа хъун баву мурадрай, 2003 шинал июндалул 10ний къамул дурсса Федерациялул №131-ф3 закондалин («Об общих принципах организации местного самоуправления в Российской Федерации») бувну, 2011 шинал августрал 30-ний Аьрасатнал Федерациялул Минэкономразвитиялул чивчусса №424 амрулин («Об утверждении Порядка ведения органами местного самоуправления реестров муниципальной имущества») бувну ва «Лакрал район» МРданул Уставрайн бувну, «Лакрал район» МРданул администрациялул **хIукму буллалиссар:**

- Муниципалитетрал хъуслил хIисав-ккал дакрил ва сияхI дачин даврил низамрал Положение цIакъ бан.
- Райондалийсса шяраллал бакIчитуран маслихIат бан, укунмасса положениертту цайнна вихшала дурсса шяраллавугу цIакъ бан.
- Ва хIукму бишун «Ххяххабаргъ» кказитрай, бишин Лакрал МРданул сайтрай.
- Райондалул администрациялул 2013 шинал июндалул 19-ний бувну бивкIсса №81 хIукму гужрава бувкшиврун ккалли бан.
- Ва хIукму биттур баврил ялул ацIан тапшур бан «Лакрал район» МРданул администрациялул бакIчинал заместитель М.А.-Къадиевлуйн.

Ю.ХI.МахIаммадов,
«Лакрал район» МРданул админист-
рациялул баклчи.

21мур май 2018ш. №49-р

АТКлул ирглийсса

батIаву даврия

2018ку шинаву террор-экстремизмалин къарщисса «Лакрал район» МРданул комиссиялул дуллансса давурттал пландалул 3мур пунктрайн бувну, АТКлул батIаву дан нанисса шинал 20 июльданий Ххюлуссуннал шяраву.

АТКлул регламентрал 3,2 пунктрайн бувну, Ххюлусмав хъунтIисса АТКлул батIавринсса материаллу хIадур даншиврул сакин бан зузи группа, цивунгу бухлахисса:

(Ахир 2 лаж.)

Х1урматрал грамота

Райондалул ц1а лахъ дуллай

Вана, уттигу ца х1урматрал, зузаврил ккакиартгал лишан дуллунни «Лакрал район» МРданул бак1чи Юсуп Мах1аммадов Х1амидлул арснан.

Райондалул к1айгурдаха чялишну зий, политический иширттаву ххьич1унну гуртту х1анай ва Аьрасатнал Президент увч1ач1исса бувч1авуртту ххуйну т1айла дуккан бувсса х1арачатрахлу «Единая Россия» партиялул чулуху мунал дуллунни Х1урматрал грамота.

Барча хьуннав Юсуп республикалий бахшиш дуллусса шамуннаву инагу ушаву. Ка бакьиннав, ц1улушиву, кьудрат ххиданнав шихунайгу муниал бьохттулсса наградартту ласлан.



АТКлул ирглийсса бат1аву даврия

(Дайдихъу 1 лаж.)

А.И.Къажлаев, АТКлул секретарь, зузи группалий каялушиву дайма;

М.А.Гадаев, АТКлул аппаратрал начальник;

Ю.Р.Амиров, Аьрасатнал МВДлул «Лакский» отделданул начальник;

Я.М.Х1амзаев, дуккавилл управлениелул начальник;

Л. М. Къурбанова, «ЦТКНР»ний каялушиву дулалимур;

М.А.Х1усманов, администрациялул жагылтурал, спортрал, туризмалул иширтталсса буллалисса отделданул начальник;

Х.М.Сулайманов, ЦРБлул хьунама х1акин;

Б.М.-М.Мах1аммадов, Буршиял шяраваллил администрациялул бак1чи;

Н.Р.Юсупов, К1улушац1рал шяраваллил администрациялул бак1чи;

Ш.С.Абачараев, Ххюлуссуннал шяраваллил администрациялул бак1чи.

Зузи группалул бак1чинан 2018ку шинал июльданул 15 хьуннин АТКлул бат1авринсса материаллу х1адур дан ва ми х1адур шаврия баян бан.

«Лакрал район» МРданул АТКлул аппарат

Тарихру ва бивк1мур

1921ку шин. Къурагышиву, ккаши, ч1явусса ризкь1и лит1аву.

1921-1922ку шинну. Ччат1ул хьирив ч1ярусса шяраваллил агьлу Закавказьянавун лагаву.

1922ку шин. Гъазигъумучиял округрайн Лакрал округ т1исса ц1а дизаву.

1923ку шин. Лакку мазрайсса «Зах1матчи» кказит итабакьлакьаву.

1923-1928ку шинну. Турк мазрай дарсру дихьлахъаву школарттай.

1924ку шин. Шяраваллил хозяйстволул продуктирдал цалчинсса ярмук1а т1ит1аву.

1925ку шин. Художественный самодеятельностьрал гужрайну «Х1абибат ва Х1ажияв» т1исса пьеса бишаву.

1925ку шин. Гъумук дахху-ласу дайсса паччах1лугьрал идарартту т1ит1аву.

1927ку шин. Шариаьтрал судру букьан баву.

1928ку шин. Лакрал округ дукьан дурну, Лакрал район сакин даву.

1928ку шин. Дагъусттаннай колхозру дуллай байбишаву.

1928ку шин. Чичру латин х1арпирдай дуллалаву.

1928ку шин. Ваччиял шяравун хьунмасса метеорит багъаву.

1930ку шин. «Зах1матчи» кказитран «Ц1усса ххулу» т1исса ц1а дизаву.

1931ку шин. Лаккуй цалчинсса пионер организация даву.

1933ку шин. Лакрал райондалул колхозниктурал съезд даву.

1933ку шин. Гъумук электростанция зузи баву.

ЕГЭ

Экзаменнай х1адур х1анай

Райондалул бак1чи Юсуп Мах1аммадовлул майрал 28ний дунни ЕГЭрду сакин даврин хасъсса совещание.

Муний гуртту хьунни образованиелул управлениелул начальник Явсупи Х1амзаев, полициялул отделданул начальник Юсуп Амиров, прокурорнал кумагчи Сяид Мух1адов, мукумма - образованиелул управлениелул зузалт



100 шин шаврин

Халкъуннаха кьуллугьрай бувтсса оьрму

Июнь зурул бний 100 шин хьун т1ий дур Дагъусттаннал ва Аьрасатнал лагрулий х1укуматрал ва жаматийсса иширтгал хьунасса ишккаккуну ивк1сса Мах1аммад-Салам Ильясович Умахановлун.

Ва увну ур ва школа кьуртал бувну бур Ц1ахъардал шяраву. Ххювардай кьуртал бувну бур Дагъусттаннал рыбопромышленный техникум. 1937ку шинал зун айивхьуну ур Мах1ачкъала шагьрулул комсомолданул секретарьну.

Хьундьявилий талай ивк1ун ур Западрал, Дянивмур, Брянскалал, Прибалтиканал-2мур ва Белоруссиянал 1мур фронттирттай, гуртту хьуну ур жула билаятрай ва дазул кьат1ув хьусса дьявилул иширттай. Дьявилул ахирданин хьуну ур 525мур битултрал полкрал парторг, дуллуну дур ванан 5 орден ва ч1ярусса медаллу.

Дьявилия увк1ун махъ зун ивк1ун ур Дагъусттаннай, ц1акъ увну ур Дагъусттаннал ВКП(б)лул обкомрал дьявилул отделданул заведующийну, 1952ку шинал апрельданин зий ивк1ун ур Избербашуллал исполкомрал председателъну, 1953ку шинал апрельдания - дуки-х1ач1иялул ва куклу промышленностьрал министрну.

Муния махъ зий ивк1ун ур Къарабадахкентуллал КПССрал райкомрал 1ма секретарьну, Дагъусттаннал Министртурал Советрал председателъну, Дагъусттаннал КПССрал обкомрал 1ма секретарьну, ДАССРданул ва СССРданул Хьунмур Советрал депутатну.

Ванал х1арачатрайну Къарабадахкентуллал махъун



дагъну дирк1сса район, ххьич1унминнавун дурккун дур. Му Министртурал Советрал председателъну, обкомрал 1ма секретарьну зузисса шиннардий бувссар ц1усса промышленностьрал ва экономикалул предприятиертту: электротехникалул, приборду дайсса, станокру байсса, бувну бур Чиркейнал, Чирюртуллал ГЭСру, байбихьуну бур Ирганайскалал, Миатлиллал ГЭСру буллау, зун бивк1ун бур 50хьул промышленностьрал предприятиертту, бувну бур ц1усса школартту, гъаз хьуну дур шяраваллил хозяйстволу дуч1аймур.

30 шинай М.-С.И.Умахановлул СССРданул Верховный Советраву т1абиат дурчаврил ва т1абиатрал луртаннал комиссиялул хьунамау уну, х1арачат бувну бур Каспи ххьирил зуманив,

ва школардал директортал.

-Циняннан цасса пачах1лугьрал экзамен диклан т1айлану, циняннан дурч1инну, муниву гуртту хьанахьисса, экзамен дуллалисса гьарцаннан цакуцсса каширду дуну сакин дурну, - укунни мунал.

Мукумма Ю.Мах1аммадовлул к1иц1 лавгунни, ЕГЭлун аьркинсса циняр техника ч1умуй ларсун, экзамен дулайсса пунктраву дирхьун диклан аьркиншиву, экзаменнугу дачин дан аьркиншиву кьанкьану закон дурурччуну. Бувсунни, мукумма, ЕГЭрду дуллалисса пунктрайн цува занай, ялув ац1лант1ишиву.

Дагъусттаннай т1ит1ин санаторияртту, курортру, туристурал базарду. Мунал сипталий т1ивт1усса машинартту байсса, куклусса, дуки-х1ач1иялул предприетиертту хьуссар индустриялул революциялунсса х1учардуну, миннуву сакин хьуссар лахъсса технологиялул зузи к1анттурду, хьунмасса зах1матрал х1акьгу буллалисса. Мунил кумаг бувссар халкъ цала-цала к1анттурдайва бац1ан, зун, маз ябан, миллатрал т1ул-т1абиат дурччин. Вайра шиннардий М.-С.Умахановлул кумаг бувну, Дагъусттаннай т1ивт1уссар университет, политехнический институт, ц1акъ хьуссар элмурдал Академиядуд Дагъусттаннал фидиалданул кьайкьуйлул ва технологиялул луртан, т1ут1айх дирчуссар миллатрал литература, магьирлугь, физкультура-спортраву ккакиартту хьанан дирк1ссар.

Мах1аммадссаламлул хьуннасса сий дирк1ссар-Дагъусттаннай дакъассагу, ч1аххурайсса республикартай. Ванал ххаллилсса кьадар - цала халкъуннаха, билаятрах дак1 марц1ну бувсса зах1мат жула халкъуннансса эбратри.

Дагъусттанлувтуран ц1анихсса миллатрал вакилнал ц1а тач1ав хьама кьадитант1иссар. Мунал ц1а абад даву мурадрай Мах1ачкъалалив дац1ан дурну дуссар гьайкал, ц1а дирзссар кучалун, школалун, спортрал школалун, гьарца шинал дайссар боксрал турнир.

Махъва-махъсса гюнгутIи

(Дайдихъу 1 лаж.)

ккаккан буну бия Гергебил-
лал райондалин ЕГЭрду дул-
лан. Хъирив бувккун, жучIа-
ра дуллансса каша хъуссар, -
увкунни ванал.

Хъирив райондалул бакI-
чинал ккаккяртту хъун дурс-
са оьрчIан ва учительтуран
дуллунни райадминистрация-
лул чулухасса хIурматрал гра-
мотартту ва бахшишру. Мин-
наву бия «Куначество» проект
дан хIарачат бувсса библиоте-
калул хъунмур **Жамила
Аблиева**, дуккавриву ва об-
щественный оьрмулуну ххуй-
ну гьуртту хъанай, А.Муду-
новлул юбилейрайн ва Мари-

ян Ильясовал аьпалул ула тIи-
тIайни ххуйну оьрчIру хIадур
бувсса **Хинчалова ПатIима,
Къушиева Насият ва Абли-
ева Роза**, школалий дуккав-
рил ва тарбиялул давуртту
ххуйну дачин дан хIарачат
буллалисса **Къушиев Малик**.

Выпускниктуран ххуллукъ-
ин баннав тIутIисса ихтилат-
ру ялагу бунни Iимур ва 9мур
классрай каялушиву дулла-
й бивкIсса, байбихъулул клас-
сирттаву цалчин дарсру дихъ-
лай бивкIсса учительтурал.

Гихунмай дуклаки оьрчIал
шеърирду буккаву, учительту-
райн барчаллагъ баян бавурт-
ту, къавтIавуртту...

Гъумук

**Махъа-махъсса гюнгутI-
ул шадлугъ дайдишиннин-
на, шала Гъумукун баллай,
школалул мюрщими клас-
сру дуклакисса къатрачIа
кIюрххияцава балайрду,
макъанну лахъну итадаркъ-
хъуни, Шяравусса мюрщи-
хъуни, нину-ппу, дуклаки
оьрчIру, тамашацитал мик-
кун батIлай бия.**

Гъашину Гъумучиял школа
къуртал бувми 79чин итабакъ-
лай бур. Ми, цачIу бувккун,
гъайкалданул чурттурдай бав-
цIуна, бавтIмигу миннал
хъхьичI лагма лавгуна. Дурцу-
на Дагъусттаннал гимн (тIай-
лассар, Гъумучиял школа
къуртал бувминнал, законда-
лин буну къамул дурсса гъу-
мучиричувнал чирчусса гимн
къадурцуна, ххуйсса дунугу,
къамул къадурсса хъусраци-
чувнал чирчумур дурцуна).

Школалул директор
Х.ХIусниевал барча бувна

выпускниктал школа къуртал
бавришар ва чIакуна миннал,
экзаменнугу ххуйну дуллуну,
цанма ччисса вузирдавун дук-
лан буххан.

Выпускниктал барча бул-
лалисса ихтилатру лакку маз-
рай бувна райондалул бакIчи-
нал зам. А. Къажлаевлул, Гъу-
мучиял администрациялул бакIчи
М.ХIусниевлул, образо-
ваниелул зузалтрал профком-
рал председатель, образовани-
елул управлениелул методист
Аб.ХIажиевал.

Хъирив балай увкуна шко-
ла къуртал бан экзаменну дул-
лантIисса ХI.Сулаймановлул,
искусствордал школалин за-
назисса оьрчIалгу щаллу дур-
на чачаннал къавтIаву. Цал-
чинмур класс бувккусса мюр-
щи оьрчIал дурккуна назмур-
ду.

Выпускниктал барча бул-
лалисса ихтилатру мукунма
бувна миннал цалчинсса учи-
тель З.Амировал ва итабакъ-
ай классирттай каялушиву
дуллалисса Х.Будайчиевал ва

П.Маруповал.

Выпускниктуран цалагу
дурккуна назмурду, укуна ба-
лайрду учительтуран, нитти-
буттан хас бувсса. Школа
къуртал буллалисса Артур
МахIаммадовлул ва цалчин-
мур класс бувккусса Малика
Куяевал бившуна махъа-махъ-
сса гюнгутIи.

Нитти-буттал чулуха вы-
пускниктурахъ насихIат бус-
ласисса ихтилатру бувна
Аб.Аблишаевлул ва М.Сулай-
мановал.

Школа къуртал буллали-
миннал дурна школалукъ бар-
чаллагъ тIутIисса вальс. Яла,
цалчинмур класс бувккумин-
нал ссайгъатругу тапшур буну,
свавруннавун итабавкъуна
шарду. Укун, выпускниктуран
лакку мазрай цавагу махъ къа-
укуну, хIакъсса лакрал къавтI-
аву къадурну къуртал хъуна
лакрал цIадурксса джашагъру
Гъази-Гъумуксса школалул
махъва-махъсса гюнгутIул
шадлугъ.

К.КЪУРБАНОВ.



КIундив

**КIундиннал школалий
махъва-махъсса гюнгутIул
шадлугърайн школалул
хъхьичIсса майдан, шарду
лавхъун, тIутIив ва сурат-
ру дирхъун, чIюлу буну
бия.**

Итабакъай классраву шик-
ку бия 5 оьрчI-душ. Школалул
директор **Абакар Гуйдалаев-
лул** миннахъ насихIат булла-
лисса ихтилат бувна, тапшур
дурна миннал грамотарду. Му-
нал кIицIларгуна выпускник-
туран ва цайми дуклаки оьрчI-
ал шинал мутталий дурсса
хъхьичIуннайшивуртту. ЧIа
укуна школа къуртал буллали-
миннал, экзаменнугу (ЕГЭр-
ду) ххуйну дуллуну, дуклан
бувхсса институтирттавугу
тIайлабацIу буну, хъхьичIун-
ну, цIа дан лайкъну дуклан.

Выпускниктуран тIайлаба-
цIу тIисса, насихIатру булла-
лисса ихтилатру бувна район-
далул администрациялул ва
образованиелул управление-
лул чулуха бивкIсса, цилагу ва
школа къуртал бувсса Л.Къур-
бановал, КIундиннал админи-
страциялул бакIчи Жабир
Гаммуевлул, насихIатчи Аб-

дул Шихлаевлул, выпускник-
турахъ байбихъулул классир-
ттаву дарс дихълай бивкIсса,
миннал классрай каялушиву
дуллалисса учительтурал, нит-
ти-буттал.

Школалий дуклакисса оьр-
чIал щаллу бувна музыкалул
номерду.

ТIайлану пишарду язи бугъаншиврул

**Дагъусттан Республикалул агъали давурттал щаллу
баврил ва социальныйну буруччаврил Министерстволул
2018 шинал апрельданий бувсса хIукмулин буну, дан
ккаккан дурну дия профориентационный давуртту рай-
ондалул школарттал итабакъай класирттал дуклаки
оьрчIашал «Профессиональный компас - 2018».**

Министерстволул бувсса
хIукму щаллу булла, Лакрал
агъали давурттал щаллу байсса
центрданул цIакъ дурссар дан-
сса давурттал план, цийгу дя-
нивмур даражалул школарттал
дуклаки оьрчIашал дансса да-
вурттал сияхI ккаккан дурсса.

Ми гъанулун ларсун, цент-
рданул школалул дуклаки оьр-
чIашал дурссар профориента-
циялул давуртту. Миннуву
ккаккан дунни укунсса темар-
ду: «Профессии, востребован-
ные в сфере туристско-рекреа-

ционного бизнеса в Даге-
стане», «Ваш профессиональный
маршрут», «Специальности,
востребованные на рынке тру-
да», «Развитие предпринима-
тельской деятельности».

Инсаннал оьрмулуну пиша
язи бугъаву яла агъанмур
масьала хъанай бур, цан чир-
ча, мунил бизлай бунутIий
оьрму бутаврил гъану. Муни-
яту пиша бикIан багълай бур
даакI кIункIу тIисса, цала
гъунардануха лавхъхъусса,
оьрмулуну гъарца чIумал тIа-

лавшин дусса ва м.ц.

Школа къуртал буллалисса
оьрчIан кумагрансса ихтилат-
ру хъунмурчIин хъунни цIа-
насса чIумуву сийлийсса иш-
бажаранчинал, канил пиша
язи бугъан гъира багъансса,
Дагъусттаннал халкъуннал са-
нятру лаласунсса.

Центрданул хIадур буну,
дуклаки оьрчIайх бавчIуссар
5 журалул буклетру, миннал
цукунсса пишардал чулухун-
майсса гъира буссарив, ци да-
ражалин биян ччай буссарив,
цалчинмур щачIанттучIа
пиша бугъавриву ссах дан ду-
рив хъунмур бургаву.

Гъарца шинал, профориен-
тациялул кьинирду даннин,
райондалийсса школардай 9-11
классру къуртал буллалимин-
нал дуцIин дайссар анкетарду.
Гъашину анкетарду дуцIин дав-
рил мурад школа къуртал бул-

лалиминнал пиша язи бугъав-
рил хIуччарду кIул баву бия.

Дуклаки оьрчIашал дурс-
сар профориентациялул экс-
курсиярду Гъумучиял истори-
ко-краеведческий музейравун,
жагъилсса никиран ккаккан
бан Дагъусттаннал миллатрал
пагъмурду, Гъумуксса пожар-
ный частьрайн - гайннал да-
вурттая бусан.

Мукунна дуклаки оьрчIру
хIалану дурссар тимурдул
къюкърал акциярду: «С праз-
дником Весны и Труда», «Ве-
теран живет рядом». Ва акци-
ялул хъунмур мурад бия цив-
палул ливчIсса, бугъарасса
инсантуран, инвалидтуран,
ветерантуран ахъаву марцI-
шиву дан, бугъан, ВОВрал па-
мятникирттал лагма-ялтту
марцIшиву дан, дакъин дан.

С.М.ХИЗИЕВА,

ЦЗНдалул инспектор.

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции, издателя:
368360
Республика Дагестан
Лакский район
с. Кумух
Ул. Сурхайхана -1, 96

Газета набрана
и сверстана на компью-
терной базе редакции
газеты «Заря» и
отпеча-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 752 экз.
Цена свободная.

Газета зарегистрирована
Управлением
Федеральной службы по
надзору в сфере связи,
информационных
технологий и массовых
коммуникаций по
Республике Дагестан
от 22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

Спорт

ДЮСШлул волейболданул чемпионат

Гьумук спортзалданува майрал 27ний хьунни ДЮСШ-лул гьарца шинал сакин байсса дуклаки оьрчIал дянивсса волейболданул бяс-ччал.

Миннуву гьуртту хьунни чIава жагьилтурал 5 команда ва душварал 3 команда.

ДЮСШлул методист, РФлул образованиелул хIур-

дуклакиминнал.

Яла ххуйну волейболлай уклай ивкIману ккалли увна Шамил Аблишаев (ЧIуртта-циял школа).



матсса зузала Илдар ХIажиев-лул чIава спортсментал барча бувна вай бяс-ччаллу бай-бишавриштал ва чIа куна гьуртту хьанахьиминнал миннуву тIайлабацIу ва ххув шаву.

-Вай бяс-ччаллал мурад - райондалийсса чIава спортсментурал дянив дусшиврул дахIавуртту цIакь шавури, цIуллуну оьрму бутлатаву ппив шавури, укуна мунал. - ЧIатIий ура зун кьянкьану данди бацIан. Ххув хьувча яла гужмур команда!

Гьуртту хьанай бия бяс-ччаллаву 6-11 классирттаву дуклакисса 60ная ливчусса волейболистал. ХIасиллу хьунни укунсса:

1мур клану бувгьунни ЧIурттациял школалул чIава жагьилтурал.

2мур клану - Щардал шко-лалул.

3мур клану - Гьумучиял школалул 6-7 классирттаву

Ххув хьун хьинну хIарачат буллай буллай ивкIману ккалли увна ЧанкIур ЧанкIуров (Щардал школа).

Тамашачитурал ххуй ивз-манансса призран лайкь хьу-на Мурад ХIусманов (Гьуму-циял школа - 2).

Душварал командарттаву 1мур клану бувгьуна Гьумучиял школалул командалул, 2мур - ЧIурттациял, 3мур - цацIундур командалул.

Яла ххуйну булкай бивкI-мурну ккалли бувна ХIурун Оьмарова (Гьумучиял школа), яла ххуйну техника дуну булкай бивкIмурну - Жавгьарат Аблишаева (Гьумучиял школа), ххув хьун хьинну хIарачат буллай бивкIмурну - Аминат ХIусманова (ЧIурттациял школа).

Ххув хьуминнал тапшур дурна грамотарду, спортрал кьай-кьуй, цалчинмур клану бувгьусса командалун - Занази кубок.

Славяннал культуралул байрам

«Славяннал чичурдал ва культуралул кьини» кIицI-лаглай, райондалул культуралул кьатлуву майрал 24ний хьунни ххачпараснал культуралул фольклорданул байрам.

Муниву гьуртту хьанай бия Гьумуксса искевтордал шко-лалай дуклакисса оьрчIру: «Гьази-Гьумучи» ансамбльданул мюрщими оьрчIал группугу, «Гьази-Гьумучи» тIисса балай учайминнал группугу.

Мукумна, искусс-вордал школалийн заназисса оьрчIал дурккуна оьруснал шаэртурал чирчусса назмурду, щаллу дурна оьруснал халкьуннал кьавтIаву, укуна оьруснал халкь-уннал балайрду.

Ва байрам сакин дурну ва дачин дурну бия искуссвордал шко-лалул директорнал заместитель **З.Рашкье-ва**, методист **П.Пара-мазова**, отделениердай каялушиву дуллалисса **Д.Кьарнаева**, **Ш.Му-дунова**, **А.Мусаева**.

М.ХИЗРИЕВА.



МахIаммадов Мухтар МахIаммадлул арс

Майрал 23ний жуя-тува личIи хьунни ин-саншиву ларайсса лак-кучув, гьарца чулуха итххяххсса зунтталчув, цIанихсса педагог Ма-хIаммадов Мухтар Ма-хIаммадлул арс.



Мухтар мийжаннугу ия ххишала акьа дакI марцIсса, акьклу камилсса, цаманан хайр баву цала буржну чIа-лачIисса, мукьуйну, даврийну кьини дурк-нал чIарав ацIайсса, пашманма ххари айсса, кIулушигу, жангу шарнил агьулда-нун дуллусса инсан. Жагьилну унува шярваллил бучIант-лимунил пикрирдайсса, гьарцаннаха аякьалийсса шярву-чув унутIий, мунал хIурматран, «Мухтар-Мяммай» учай-ва чIявучил. Мухтар МахIаммадов ВицIхьиял махIлалий акьассагу хIурматрай ия райондалул шархьал агьулдану-вугу, райондалул кьатIувгу.

Мухтар увну ур 1935 шинал. Кьуртал бувну бур Гьан-жилив пединститут. Учителъну зун айивхьуну ур 1956 ши-нал ЦIумадиял райондалий. 1959 шиная 2016 шинайнин зий ия буттал шярву учителъну, завучну, директорну, шя-раваллил советрал председателъну. Гьарцагу давриву - хьхьичIунману. Мунал хIарачатрайну шярву бувну тIив-тIуна дянивмур даражалул школа.

Уххаву кьакIулсса, итххяххсса педагог лайкь хьуссар паччахIлугьрал чIярусса наградарттан.

«Директор года - 99», «Директор века», «Академик твор-ческой педагогики», «Народный педагог РФ», «Заслуженный учитель РД» - вайннул чIалачIи буллай бур мунал пагьмулул даража, магьиршиву. Педагог акьассагу, пасихIсса мукьул заллу, шаэр, тарихчи, Мухтар МахIаммадлул арснал цала шя-раваллил агьулдания мархлувун увхсса луттирду чивчунни.

Мухтар-Мяммал бусравсса цIагу, чаннасси симангу абадлий личIантIиссар халкьуннал дакIурдиву.

Дуклаки оьрчIал, учительтурал, щалагу ЧIарттал жа-мятрал чулуха хьунмасса барчаллагь тIий буру кьурчIи-шиву кIидачIин, чIарав бацIан бувкIсса циняннахьвагу.

Мухтар Мяммал гьанчунал, шарнил жамятрал, дукла-ки оьрчIал ва учительтурал цIания.

Мяьсуд Кьадилов, школалул директор.

Райондалул администрациялул зузалтрал, халкь-уннал собраниялул депутатътурал чулуха хьуннасса кьурчIишиву кIидачIлай буру кулпатраштал, оьрчIа-штал, мачча-ляхьиндараштал, ЧIарттал жамятраштал, узданну оьрму бувтсса, гьарцагу давурттай хьхьчIун-ну зий ивкIсса, цIанихсса педагог МахIаммадов Мух-тар МахIаммадлул арс жуятува личIи шаврин бувну. Цан Алжан нясив баннав, гьав нурданул дуцIиннав. Махьнал оьрмурдай барачат бишиннав!

Хьуннасса кьурчIишиву кIидачIлай буру кулпатраштал Гуржагьаннуштал, арснаштал, ххирасса, циняннангу бусрав-сса цIанихсса педагог, гьунар бусса сакиншиннахи ЧIарт-тал МахIаммадов Мухтар МахIаммадлул арс жуятува ли-чIи шаврин бувну. Цал гьав нурданул дуцIиннав, Алжан нясив баннав. Махьнал оьрмурдай барачат бишиннав!

Дуккаврил управление, дуккаврил зузалтрал профсоюзрал райком, райондалул педагогтал

